



Ketouvim (hagiographes) - Chroniques II

Chapter 11

- 11,1 יבא רחבעם, יהושלם, ויקהל את-בית יהודה ובנימן מאה ושמונים אלף בחור, עשה מלחמה--להלחם, עם-ישראל, להשיב את-הממלכה, לרחבעם. {פ}
- 11,2 ויהי, דבר-יהוה, אל-שמעיהו איש-האלהים, לאמר.
- 11,3 אמר, אל-רחבעם בן-שלמה מלך יהודה-ואל, כל-ישראל, ביהודה ובנימן, לאמר.
- 11,4 כה אמר יהוה לא-תעלו ולא-תלחמו עם-אחיכם, שובו איש לביתו--כי מאתי נהיה, הדבר הזה; ושמעו את-דברי יהוה, וישבו מלכת אל-ירבעם. {פ}
- 11,5 וישב רחבעם, ביהושלם; ויבן ערים למצור, ביהודה.
- 11,6 ויבן את-בית-לחם ואת-עיטם, ואת-תקוע.
- 11,7 ואת-בית-צור ואת-שוכו, ואת-עדלם.
- 11,8 ואת-גת ואת-מרשה, ואת-זיף.
- 11,9 ואת-אדורים ואת-לכיש, ואת-עזקה.
- 11,10 ואת-צרעה, ואת-אילון, ואת-חברון, אשר ביהודה ובבנימן: ערי, מצרות.
- 11,11 ויחזק, את-המצורות; ויתן בהם גידיים, ואצרות מאכל ושמן ליון.
- 11,12 ובכל-עיר ועיר צנות ורמחים, ויחזקם להרבה מאד; ויהי-לו, יהודה ובנימן. {ס}
- 11,13 והכהנים, והלוים, אשר, בכל-ישראל--התיצבו עליו, מכל-גבולם.
- 11,14 כי-עזבו הלוים, את-מגרשיהם ואחוזתם, וילכו ליהודה, ולירושלם: כי-הזניחם ירבעם ובניו, מכהן ליהוה.
- 11,15 ויעמד-לו כהנים, לבמות ולשעירים, ולעגלים, אשר עשה.
- 11,16 ואחריהם, מכל שבטי ישראל, הנתנים את-לבבם, לבקש את-יהוה אלהי ישראל--באו, ירושלם, לזבח, ליהוה אלהי אבותיהם.
- 11,17 ויחזקו את-מלכות יהודה, ויאמצו את-רחבעם בן-שלמה לשנים שלוש: כי הלכו, בדרך דויד ושלמה--לשנים שלוש.
- 11,18 ויקח-לו רחבעם, אשה--את-מחלת, בן- (בת-) ירימות בן-דויד: אביהיל, בת-אליאב בן-ישי.
- 11,19 ותלד לו, בנים--את-יעוש ואת-שמכיה, ואת-זבם.
- 11,20 ואחריה לקח, את-מעכה בת-אבשלום; ותלד לו, את-אביה ואת-עפי, ואת-זנא, ואת-שלמית.
- 11,21 ויאהב רחבעם את-מעכה בת-אבשלום, מכל-נשיו ופילגשיו--כי נשים שמונה-עשרה נשא, ופילגשים נשים; ויולד, עשרים ושמנה בנים--וששים בנות.
- 11,22 ויעמד לראש רחבעם את-אביה בן-מעכה, לבגיד באסיו--כי, להמליכו.
- 11,23 ויבן ויפרץ מכל-בניו לכל-ארצות יהודה ובנימן, לכל ערי המצרות, ויתן להם המזון, לרב; וישאל, המון נשים.